

Vischnaunca da Breil

Reglament davart il lungatg official communal dalla vischnaunca da Breil

Art.	1	Finamira	4
	2	Denominaziun	4
	3	Decrets legislativs	4
	4	Radunonzas e tschentadas	4
	5	Administraziun	4
	6	Scolaziun	5
	7	Inscripziuns	5
	8	Inoltraziuns	5
	9	Contribuziuns	5
	10	Execuziun e coordinaziun	5
	11	Entrada en vigur	5

Finamira	<p>Art. 1 Il romontsch ei il lungatg official dalla vischnaunca. Quest uorden regla siu diever. El ha la finamira da garantir il diever dil romontsch sco lungatg official da vischnaunca els divers secturs dall'administraziun, dalla scola e dalla preschientscha publica e vul cheutras gidar a mantener il romontsch.</p>	
Denominaziun	<p>Art. 2 La denominaziun en quest reglament vala per personas, funcziuns e mistregns dad omisduas schlatteinas.</p>	
Decrets legislativs	<p>Art. 3 Ils decrets legislativs vegnan redigi en romontsch, en particular:</p> <p>a) la constituziun communal</p> <p>b) las leschas, ils uordens ed ils reglaments da character general abstract sco era ils decrets e las publicaziuns officialas che sedrezzan alla publicitad.</p> <p>Sche translaziuns en auters lungatgs existan, vala la versiun romontscha sco officiala.</p>	
Radunonzas e tschentadas	<p>Art. 4 Las radunonzas e tschentadas dils organs comunals vegnan menadas e protocolladas en romontsch. Sin damondas e propostas en auters lungatgs naziunals vegn per regla priu posiziun en romontsch. Aschinavon sco pusseivel vala quest artechel era per las uniuns domiciliadas en vischnaunca.</p>	
Administraziun	<p>Art. 5 L'administraziun succeda da principi en romontsch, en particular:</p> <p>a) la correspondenza, decisiuns e disposiziuns communalas che sedrezzan a personas domiciliadas en vischnaunca</p> <p>b) circularas e communicaziuns che sedrezzan all'entira popola-ziun domiciliada</p> <p>c) per regla era correspondenza ed inoltraziuns allas autoritads cantunalas e federalas ed a lur uffecis</p> <p>d) publicaziuns officialas.</p>	

Art. 6	<p>La vischnaunca meina la scoletta e las scolas tenor legislaziun cantunala per scolettas e scolas romontschas. La vischnaunca sustegn activitads che promovon l'integraziun linguistica dils habitonts ella cuminonza.</p>	Scolaziun
Art. 7	<p>Inscripziuns drizzadas alla publicitad e reclamas stablas che pretendan ina lubientscha communal ston esser romontschas. La vischnaunca sa lubir excepziunalmein translaziuns. Lubidas ein era terminologias internaziunalas che selain buca translatar. Inscriptiuns existentas buca romontschas san excepziunalmein restar vinavon. La vischnaunca s'engascha denton per che quel-las vegnien adattadas el senn da quest artechel.</p>	Inscriptiuns
Art. 8	<p>Inoltraziuns da personas privatas u giuridicas domiciliadas en vischnaunca han da principi da succeder en romontsch.</p>	Inoltraziuns
Art. 9	<p>En connex cun contribuziuns communalas per arranschaments publics animescha la vischnaunca da duvrar il romontsch.</p>	Contribuziuns
Art. 10	<p>L'istanza cumpetenta e responsabla per l'execuziun da quest reglament ei la suprastanza communal. Quella collavura el rom dalla conferenza dils presidents da vischnaunca dil cumin cun las autras vischnauncas per realisar ils postulats da quei reglament. La conferenza dils presidents da vischnaunca collavura e coordinescha las lavurs tenor al. 2 cun las conferenzas dils presidents da vischnaunca dils auters cumins dalla Surselva, sco era cun las istanzas cul medem intent dad autras regiuns e cun instituziuns per il manteniment dil lungatg romontsch.</p>	Execuziun e coordinaziun
Art. 11	<p>Quest reglament va en vigur cun sia approbaziun entras la radunonza communal dils 06 da december 1996.</p>	Entrada en vigur

Breil, ils 07 da december 1996

En num dil cussegl da vischnaunca

Il president: *Giachen Giusep Spescha*

Il vicepresidente: *Andreas Pfister*

En num dalla suprastonza communal

Il president: *Sep Cathomas*

Igl actuar: *Fridolin Cahenzli*